

17

神州國醫學報

中國近代
中醫藥
期刊彙編

第四輯

上海辭書出版社

17

第 17 卷第 1 期

中國近代

中國學

期刊叢編

第 17 卷

中國近代
中醫藥
期刊彙編

第四輯

17

神州國醫學報

上海辭書出版社



南京中医药大学图书馆版权所有

目 録

神州國醫學報	第四卷第一期	1
神州國醫學報	第四卷第二期	41
神州國醫學報	第四卷第三期	85
神州國醫學報	第四卷第四期	131
神州國醫學報	第四卷第五期	173
神州國醫學報	第四卷第六期	219
神州國醫學報	第四卷第七期	267
神州國醫學報	第四卷第八期	299
神州國醫學報	第四卷第九期	335

神州國醫學報	第四卷第十期		377
神州國醫學報	第四卷第十一期		415
神州國醫學報	第四卷第十二期		453

顧渭川署

神州國醫學報

號三一零二第字警證記登部政內

第四卷第一期目錄

(即第三十七期)

中華民國二十四年九月十五日發行

學說	專著	藥物	醫案	醫林外史	雜俎	介紹新刊	專載	會務
素軒醫語(續)..... 白喉說..... 治瘋狗咬二方.....	傷寒論新詮(續).....	國藥之歷史觀與改進論(續).....	臨床小紀..... 治宋二姐之子白瘡出後煩悶不解..... 喉痧治驗..... 臨床一得錄(續).....	許辛木先生家傳.....	去疾醫話(續).....	醫學書報小紀(續)..... (一)一素軒醫語..... (二)光華雜誌..... (三)中醫新生命(續).....	香焦芋乃同食中毒始末記..... 會務一束(一)會議摘要(二)八月份收支報告(三)收到每月補助金一覽表..... (四)通告全體會員.....	
梁耿部 季耀發 良庭芝	邵餐芝	謝誦程	沈仲圭 黃芥森 耿耀庭 張汝偉	仁和譚獻謨	吳去疾	去疾	還報	

第四年開場白

吳去疾

上期本報。適逢三週紀念。鄙人曾略述所懷。貢諸當世矣。今相去未久。而第四年第一期之本報。又將出世。當此世界不景氣之時。本報承會中諸公之維持。以有今日。不可謂非厚幸。然繼此以往。又將何如。此則全視人事。以為轉移。非今日所能預言已。有人謂本報宜多載驗方。以期普及。此意鄙人亦寧不知之。無如實行此事。諸多困難。約而言之。可分爲三。一者。他人不肯輕傳。基上三者。鄙人所得有限。三者。即使他人肯傳。鄙人有得。而奇怪方藥。亦未便率予登載。吾前聞人言。廣東潮陽縣有一老婦。善灸瘰癧。一人患此。頸項間疊疊皆是。聞其名。請爲之治。一經施灸。病遂霍然。事後嘗與人談及。而不能指其穴名。吾深惜之。前承梁季良先生惠寄「秘傳瘰癧灸法」。喜其與余所聞閤合也。曾爲之登於上期本報。而忘記此事。今爲之補記如上。所以堅世人信用之心也。梁季良先生博學多聞。屢承惠賜佳作。昨又承寄示瘋狗咬二方。皆世人所鮮知者。今爲之登於本期報中。以供研究。(瘋狗咬方。本報以前各期。多有登載。閱者可參觀。擇其善者而用之可也。)

本報爲便利讀者起見。所登稿件。一律斷句。間有佳作未曾標點者。鄙人常撥冗爲之代勞。實際上殊感不便。近又累於俗務。無暇舍已芸人。以後諸君惠寄稿件。務請自加標點。否則雖有佳作。概從割愛。祈爲諒之。無暇舍已芸人。以後諸君惠寄稿件。務請自加標點。否則上期本報醫案門。侯蒼霖係黃君蒼霖之誤。又附錄門邵君餐芝來書。內有殫見洽聞一語。被手民誤殫爲彈。當時未曾校出。殊爲抱歉。特誌於此。以謝黃邵二君。(又拙作胃病指南序中爲人類之第二生命。漏一類字。即近世所稱八大傳染病中之傷寒霍亂痢疾等等。漏一病字。醫學書報小紀弁言之臨時雜記。係臨症雜記之誤。順爲記之。此外如有錯誤。祈諸君隨時指示爲感。)

學說

素軒醫語 (續)

邵餐芝

九十四 中醫養生理論與道德

四氣調神大論又曰、「藏德不止、故不下也」。注云、「藏德者、藏其高明、而不自以爲高明也。不止者、健運不息也。惟藏而不止、雖下降而實不之下、曷嘗損其居上之尊乎」。案、藏德、謂君子盛德若愚也。不止、謂君子法天道、自強不息也。若愚以進德、自強以修業。「既以爲人已愈有、既以與人已愈多」。故曰、故不下也、曷嘗損其居上之尊乎。前所引「清靜光明」之語、是外王之道。此所引「藏德不止」之語、是內聖之道。莊周云、內聖外王之道、暗而不明、鬱而不發、悲夫。善哉、其言之也。

九十五 中醫理與中國治化

四氣調神大論又曰、「天明則日月不明、邪害空竅」。注云、「大明見、則小明滅。元本不藏而邪湊」。案、由此推之、大明不見、正欲小明不滅。此老子長而不宰之說、亦近世元首不負責、內閣負責之根本理論也。夏曾佑曰、「漢之丞相、對國家負責任、與今各國之中央集權同。魏後則丞相不過皇帝之私人、與國家無涉實即宦者之易名。方鎮盛而無所謂統一之治矣」。雖然、禮失而求諸野、今農村社會、尙存長而不宰之理想。故鄙諺曰、「國有大臣、家有長子」。言當陽者不可獨亢也。然則中醫理論與政治理論、本屬一體而二用。魏後政

神州國醫學報 第四卷 第一期 學說

治雖失軌、而醫界猶保有「潛陽」之治法。自告朔存羊、而中國學術退化之跡、歷歷可見。然則中醫學者、固吾國民族創造力之表現也、孰曰巫醫小道哉。

九十六 政理上之居上而亢與病理上之居上而亢

嗚呼、蘇子瞻真一世之好也、才士也夫。故其言曰、天下之患、莫大乎上作而下不應。夫上作而下不應、居上而亢之謂也。一九一四年大戰前夕之歐州、尼古拉唱汎斯拉夫主義、以再造東羅馬自負。威廉唱汎日耳曼主義、以再造西羅馬自負。其意氣之盛、可謂壯哉。然俄德二國之民、已不勝其糜爛。故革命猝發、而仇刃遂突至乎其前。一則上斷頭臺以畢命、一則苟全要領作寓公。則上作而下不應之禍也。惜乎、彼土之政治界、無「潛陽」之治也。孟子曰、侮奪人之君、惡得爲恭儉、彼尼古氏威廉氏之行、正所謂侮奪人之君也。藉使二國之君、提倡恭儉之化。以俄之地廣人稀、何必覓殖民地于遐方。以德之學藝精進、安見無術遏過庶之患。然而二國之君所以必不能者、文化之背影則然也。故不佞謂歐州文化者、驕奢之文化也、使人盲聾爽發狂者也、患「陽亢」之病者也。今吾言可重反于題矣。張壽甫治一人、陽亢而陰不應、循衣摸牀、目清白無見。右寸浮甚、而尺脈甚弱。乃用熟地玄參阿膠枸杞之類。約重六七兩、溫飲之、以峻補真陰。即日大汗而癒。張公此治法、其脫胎于漢文帝之以恭儉治天下者哉、其異乎尼古氏威氏之所行者哉。技也、進夫道矣。醫理也、通乎政理矣。（未完）

白喉說

耿耀庭

白喉一症。古書罕言。仲景有咽中生瘡之條。證屬少陰。陳實功有喉疳腐爛之說。責在相火毒熱。皆非近世傳染之白喉。不可謂非白喉之發脈也。前清中葉。張留仙始有爛喉痺爛喉痧

之名。而論證不詳。陳耕道發明疫氣所鍾。則爲爛喉痧之症。痧達爛喉輕者。疫輕。痧不透爛喉甚者。疫重。乃重於痧而略於喉。其治法以疏達清達爲首步。又有悶痧惡症。雖不爛喉。乃悶極無從爛喉。最爲險惡也。鄭梅澗創言白纏喉。雖屬疫氣爲患。發於肺腎。或遇燥熱流行。或食辛熱之物。感觸而發。只言白喉。未嘗言痧。立養陰清肺湯一法。兼辛涼散之爲主。且曰不可發表。不宜破血。又曰喉間發白一症。係熱伏少陰。盜肺金之母氣。以紫正地黃湯。去紫荊皮茜草二味。此二味開結破肝血之燥熱。蓋此症邪伏少陰。蓄久而發。非風熱結於血分可比。二藥最不相宜。用之復傷其陰。白反瀰漫。只用紫正湯微加細辛。清解少陰之邪。初服三劑。其白不增不減。略轉微黃色。十有九治。若服藥後。白反蔓延。是邪伏腎經。腎經受傷。元氣不能勝邪。反不治矣。觀此可見養陰清肺之外。未嘗偏廢于達邪之法也。後有白喉忌表書出。托名仙傳。以愚當世無識之人。其本實宗鄭氏。而兩列乩語。故神其說。於梅澗禁藥之外。又增若干禁忌。使醫者縛手縛脚。無所施展。拘于養陰清肺湯一途而後已。凡病皆有初中末之不同。用藥安能無異。夫忌表豈謬論哉。至於辛散溫散之品。固不可用。而清散之方。何能一律棄捨乎。斯非梅澗之功臣。乃梅澗盛德之累也。吳醫彙講。瘍科心得。所載爛喉丹痧論數條。各據所長。條分縷晰。誠是適中之論。而許樂泉以爲非是。未免稍涉於偏。其闢唐迎川強牽陰陽毒之病。主以升麻鱉甲湯。尙堪疵議。祖鴻範先散後清之論。其散法并未立方。而曰宜兼清散。實無穿鑿之弊。豈可不採酌用之耶。許氏所著喉科白腐要旨。暢言傷燥。以及肺腎陰虧所致。治以養陰而用重熟地。亦是治白喉門徑之一。非主治白喉之常法耳。兩書立言。大都矯枉過正。非得乎中行者也。張紹修白捷喉要十難之說。洋洋洒洒。言論詳明。當熟玩之。愚見以白喉及爛喉丹痧。初見惡寒發熱。頭身俱痛。咽痛或破或不破。當用清達之藥。如葛根薄荷豆豉。鬆透如青皮生山查。開化如鬱金枳殼六和麩。清

神州國醫學報 第四卷 第一期 學說

四

咽如金果欖赤芍甘草陳蘆菔英之類。俾疫輕者可一藥而愈。或寒退而壯熱不解。丹痧隱顯。咽喉腐破。口渴神煩。斯時熱勢鴟張。當參以銀翹。漸至養陰清肺。或咽喉腐甚。邪熱內傳。神昏譫語。熱深厥甚者。治以紫雪丹。便秘則宜參涼膈。邪熱傷寒。口乾舌赤。脫津生芒。音啞等症。宜用熟地滋陰。總之病有千變。藥亦有千變。前賢又云。活潑潑地。如珠走盤。若偏執一方。守膠柱鼓瑟之法。其有不誤者幾希矣。

治瘋狗咬二方

梁季良

第一方


瘋狗咬傷或被嗅或接近。俱能傳毒。發爲恐水病。症狀慘酷。常可致命。殊足憫懼。友人陳君凱梁。爲曾與黃花崗革命之老同志。曾偶談及此。謂有一極簡易極有效之方。囑爲傳之。陳爲湖南湘鄉人。若干年前。回鄉。值瘋狗爲患。被傷之人日數起。有路人傳此方。親見當時被傷者數十人。皆依方服之而愈。望人勿以平易而忽之也。

方用破銅錢草。根莖葉俱用。清水洗淨。稍用二次米泔水。將草置入。以手搓之成綠汁。瀝淨渣。取汁。多多飲之。必飲至不能再飲爲止。飲少則留毒。飲後必腹瀉。或嘔或不嘔。或洩血或不洩血。不必驚異。卽毒由瀉嘔洩血而外出也。

破銅錢草。亦名銅錢草。亦名金錢草。隨地異名。形如後圖。

破銅錢草。生花鉢中。庭院，園林山野陰濕處。隨處皆有。頗易覓得。

破銅錢草。葉綠色。有寶光。葉及葉柄皆無毛與刺。有種毒草。形頗相同。葉無寶光。而有毛與刺。不可服。服之毒人。



覓得破銅錢草。採取時。要用五指齊下以扯拔之。不可遇犬及人。設遇犬及人。將草捨置原處。俟無犬及人時。再往取之。更扯拔新者少許。此爲傳此方者所云也。

破銅錢草。醫家不見用。嘗見草藥藥醫者。用治疔毒。蛇咬。(俱搗敷或飲汁)跌打。(搗敷)火眼。(搗塞鼻中)俱甚見效。此草爲解毒逐瘀之品可知。性寒無毒。但亦不甚猛烈。

遇瘋犬被咬或被嗅或接近。以黃豆與嚼食。試之覺甜而不聞豆腥者。卽是有毒。應速醫治。若服破銅錢草汁。過數日後。亦可以生黃豆與嚼食。試之覺甜而不聞豆腥者。毒尙未淨。可再以破銅錢草與服。若試嚼豆。不甜而聞豆腥。是毒已淨也。

破銅錢草汁。服治瘋狗咬。雖至發狂亦可治。雖狂至

將手指咬去者仍可治。

恐水病發狂。兇惡打人。不可近。不能服藥者。陳君思得一灌藥之法。竟將其人治愈。法用新大布被單一方。選一胆大力大之人。兩手高舉被單。如舞獅狀。開門闖入病者房中。病者自然來撲。舉被單者。將被單反搭去。揮蒙病者之身首。乘勢裹住。衆以繩將病者連被單細住。於病者口處。將單剪一孔。鉸齒。將破銅錢草汁多多灌之。灌至病者不能喚不能動。腹中水滿不能再吞。方止。病者卽呆臥地上。治者輕輕去其繩細。聽其自醒。不可驚之。病者

臥數小時後。必腹泄。或嘔或不嘔。或洩血或不洩血而愈。

（去疾按）余前得一治黃疸方。用破銅錢巴牆艸二物。據傳者云。破銅錢生水中。四葉合成。如錢形。故名。今梁君所傳之破銅錢。則生於地上。且其形不類。（見附圖）當係異物而同名者。吾國藥物名稱。每多如此。安得有心人爲之彙集而訂正之。使學者瞭然於心目耶。

治瘋狗咬第二方

夏日尋入隻脚之全蠍。同置於一瓦缸中。缸中置磚石小塊。以鐵絲紗作蓋蓋之。置之勿動。待次年穀雨午時。將缸中蠍尋出。蠍已就眠不動。取雞蛋頂上開一小孔。每蛋塞入一蠍。以綢與膠。將蛋上之孔封固。勿令走氣。以繩繫之。掛於簷邊有風無日無雨之處。百日後可用。愈久愈好。

用時將蛋取下。連蛋壳於瓦上文火焙之。壳焦。去壳再焙。蠍蛋尙存性四五分。候冷。乳末。以陳黃酒沖服。

一蛋作一服。一服愈。重者二服。

此方須平日預製。南方覓活蠍亦不易。頗爲難得。若用全蠍。如上法以雞蛋煎焙服之。效亦當相等。全蠍雖有毒。並不殺人。服之應無害也。

此方於近年不憶抄自何書。但醫病救人。雖重出亦不爲掠美也。

（去疾按）蠍子多生於北方。有人語余。蠍子腹中有白點。如骨牌形。自天地人和以至么五。無一不備。凡被螫者。當捉視其腹。腹之白點如天地牌之形者。亦尙可治。惟如至尊之么二形者。則決無生理矣。此說頗奇。錄之。以質北方之人士。

專 著

傷寒論新詮 (續)

邵餐芝

寒溫辨治法中

溫病雙解證例

傷寒。解後。虛羸少氣。氣逆欲吐者。竹葉石膏湯主之。

案。既云傷寒解後。是病已愈矣。而復用竹葉石膏。表裏兼顧者。何邪。曰。此正見治傷寒者。隨時辨病之法。必不可少也。此必夏月中喝之病。表證已罷。而餘邪未清。內熱方殷。而脈象虛芤。本經。麥冬主羸瘦短氣。此虛羸少氣。故用之。本論。半夏必加諸嘔證。此氣逆欲吐。故加之。二藥相偶。動靜得宜。燥潤互濟。無甘寒留邪之患。有鎮肝止嘔之功。人參以復脈。甘草以培中。石膏以涼之。竹葉以透之。既清暑益氣。又強心息風。無美不備矣。

右雙解證脈虛身熱之例

太陽中喝者。身熱疼重而脈微弱。此以夏月傷冷水。水行皮中所致也。

案。生理學家言。皮膚亦能營吸收作用。此證因夏日受雨入浴。外受濕邪。故云水行皮中。身熱惡寒。是寒邪在表。身熱疼重。是濕邪在身。脈微弱。是中喝之脈。此宜豬苓湯加香薷藿香豆豉及益氣清暑之品方是。金匱一物瓜蒂散。恐不中肯。

右雙解證暑濕夾雜之例

神州國醫學報 第四卷 第一期 專著

七

神州國醫學報 第四卷 第一期 藥物

八

形作傷寒。其脈不弦緊而弱。弱者必渴。被火者必譫語。弱者發熱。脈浮。解之當汗出愈。案。此溫熱病中之險證也。脈弱乃副交感神經興奮。抑制心臟循環機能所致。正內熱倍切尋常也。曰形作傷寒。曰必渴。曰發熱。即所謂太陽病。發熱而渴。不惡寒者。爲溫病也。曰被火必譫語。即所謂風溫若被火。劇則如驚癇也。弱脈轉浮。是內熱有外達之機。欲汗解之。似非麻杏甘石抑葛根芩連莫屬矣。柯韻伯以爲勞倦內傷。宜主以桂枝湯。此強作解人。憚鍊樵雖知有成腦膜炎之傾向。乃又以弱者必渴弱者發熱等句不相應。是得半失半。前賢惟成無已錢璜之說。最爲近理也。

(未完)

藥物

國藥之歷史觀與改進論(十二續)

謝誦穆

第十一節 陶宏景 徐之才

(一) 陶弘景。

陶弘景。字通明。江蘇丹陽人。久保田晴光謂弘景生於劉宋文帝元嘉二十九年。卒於梁武帝大同二年。依李兆洛紀元編計算。適享年八十有五。與綱目序例合。而醫說引梁書及藝文雜類(註一)謂弘景以孝建三年夏至日生。孝建爲宋武帝(文帝之子)年號由此推算。若弘景

卒於大同二年。則享年祇八十有二。若享年果八十有五。則不當卒於大同二年。此中必有誤。姑闕疑以待。又有謂弘景享年祇八十一歲者。其說不知何出。待考。

弘景幼穎慧。善書工文。及壯長七尺二寸。疏眉長額。神表孤邁。膚色皙澤。性好學道。冠而不婚。不樂葷羶。唯進青飢飯。(註二)仕齊爲宜都王侍讀。宏景與從兄書云仕宦期四十五左右作尚書郎。今三十六方作奉朝請。頭顱不知。不如早去。未幾辭去。隱於勾曲山。號華陽隱居。武帝每咨訪之。卒諡貞白先生。

弘景未歸隱時。所著有學苑一百卷。孝經論語序註十二卷。三禮序一卷。注尚書毛詩序一卷。孝子內外集四卷。玉匱記三卷。三國志贊述一卷。抱朴子注二十卷。世語闕字二卷。古今州郡記三卷。續臨川康王世說二卷。撰太公孫吳書略注二卷。員儀集要三卷。七曜新舊術數二卷。風雨水旱饑疫占要一卷。卜筮略要一卷。舉百事吉凶歷一卷。算數藝術雜事一卷。其隱居後所著者。有登真隱訣等。而名醫別錄爲最著。其自序曰。

隱居先生在乎茅山之上。以吐納餘暇。游意方技。覽本草藥性。以爲盡聖人之心。故撰而論之。舊稱神農本經。予以爲信然。昔神農氏之王天下也。畫八卦以通鬼神之情。造耕種以省殺生之弊。宣藥療疾。以拯夭傷之命。此三道者。歷衆聖而滋彰。文王孔子象繇辭。幽贊人天。后稷伊尹。播厥百穀。惠被羣生。岐黃彭扁。振揚輔導。恩流含氣。歲踰三千。民到於今賴之。但軒轅以前。文字未傳。藥性所主。當以識識相因。不爾何繇得聞。至於桐雷。乃著在簡編。此書應與素問同類。但後人多更修飭之爾。秦皇所焚。醫方卜術不預。敲猶得全錄。而遭漢獻遷徙。晉懷奔迸。文籍焚廢。十不遺一。今之所存。有此四卷。其所出郡縣。乃後漢時制。疑仲景元化等所記。又有桐君採藥錄。說其花葉形色。藥對四卷。論其佐使相須。魏晉以來。更復損益。或五百九十五。或四百

四十一。或三百一十九。或三品混糅。冷熱舛錯。草石不分。蟲獸無辨。且所主治。互有得失。醫家不能備見。則智識有深淺。今則苞綜諸經。研括煩省。以神農本經三品。合三百六十五爲主。又進名醫別品。亦三百六十五。合七百三十種。精粗皆取。無復遺落。分別科條。區畛物類。兼注詒時用。土地所出。及仙經道術所須。并此序錄。合爲七卷。雖未足追踵前良。蓋亦一家撰製。吾去世之後。可貽諸知音爾。

案醫說引事物紀原云。

唐書于志寧傳。志寧云。班固惟記黃帝內外經。不載本草。梁七錄乃稱之。世謂神農嘗藥。黃帝以前。文字不傳。以識相付。至桐雷乃載篇冊。然所載郡縣。多漢時張仲景華陀竄記其語。梁陶宏景謂此書。應與素問同類。其餘多與志寧之說同也。（案醫學入門云。于志甯字仲謐。唐太傅與李世勣修本草並圖合五十四篇。其書大行。）

清壁山黃鈺。有名醫別錄輯本。其書簡陋不足稱。見南雅堂醫書外集中。弘景別有太清草木集要二卷。補闕肘後百一方九卷。隱居本草十卷。皆無考。又有藥總訣二卷。綱目序例引掌禹錫云。梁陶隱居撰。二卷。論藥品五味寒熱之性。主療疾病。及採蓄時月之法。一本題曰藥象口訣。不著撰人名。

（註一）醫說引梁書及藝文雜類云。梁陶弘景貞白先生。字通明。丹陽人。母郝氏。夢兩天人手執香爐。來至其所。既而有孕。以孝建三年夏至日生。幼而警慧。博學通經。有志養生。性好醫方。專於拯濟。利益羣品。故修撰神農本草經三卷。

（註二）久保田晴光云。十歲時讀葛洪之神仙傳。已有養生之志。原來此人好道教。又深信佛教。曾於阿育王塔受五大戒。齊武帝永明十年（西紀四九二年）。辭祿而隱。退於句容之句典山。時四十一歲也。其後遍訪名山。採仙藥。（下略）。